

國方志叢書·華中地方·第七三九號

據

清·馮蘭森等修、陳卿雲等纂
清同治九年刊本

影印

江 西 省

上高縣志

(一)

成文出版社有限公司印行

續脩上高縣志序

周禮春官小史掌邦國之志
唐顏師古曰志記也積記其
事也然久而積者繁之則易
失不可無以脩之脩之之旨
在博採在類編在略輕衡

重在分目舉綱而又當精其實心揅之公道人雖代古為則代新此古先哲王以志傳賢之遺意也上高縣志始編輯繼脩增遺者人文乎稱盛而山川風土亦班其可

攷嗣咸豐年間忽遭西寇之
擾流毒幾徧大江出入筠州
上下游士民移家避之而志
板以燬

今上御極之九年春王正月余奉
憲札飭脩縣志承篆幾二稔

地方形勢梗概較詳第四
憶下車來視案之勞徵賦
之慎與夫億億郵次之煩酬
邵幕庭之瑣刻未能暇且孤
陋狹隘之見聞正未敢遽以
一長効爰進邑諸名士而商

訂之延為總纂分纂及採訪
各執事之任敬

聖殿後楹之慎思堂為脩志總

局承前人修緒啓後學問津
凡六閱月卷軸也數萬言亦
謂得所統宗為省局取資之

證矣夫書本於折衷而參以
確論蓋論則有據之可經搜
校而足傳不朽之功得闡揚而
九烈抑余更有幸焉者考
舊志作於嘉慶庚午之歲閱
甲方周而重脩適屆嘉庚

之言更事之变也殆数地於
變更而午應能明又居陽
位凡幽光潛德率乘其時以
出為一邑蛟騰鳳起之徵歟
余不敏無車政及民而區區
計功效能之心所願与邦人

士交勉於靡已者續志待成
行將卸篆玄忽々倚裝為
序以歸之邑人邑人其不我
棄乎若夫遺聞逸蹟或憾
闕如則請俟繼此之能自得
師者余更樂觀其成也夫

同治九年歲在庚午秋八月
知縣事歸安馮蘭森撰



此集乃明初詩人張瑄所撰
其詩多為五言古詩
其詩多為五言古詩



舊序

夫志爲記事之書由來郡邑莫不有之以備參考而獨於上
高稱缺焉者是豈邑無可紀之事也哉蓋嘗求之省郡所載
旣畧焉勿詳而先時若教諭杜君宗署縣事朱君孔年之銳
意纂修者又以同志無人議論不合而業用以寢嗚呼此因
革損益所以無徵而會通修輯之責意者其將有所待乎余
自蒞政以迄於今竊有志焉而未逮也適與諸僚佐謀於學
學諭鄭君廷俊出其歷年所集諸稿以示余受而讀之井井
有條可資采擇始議以共成焉未數月而鄭君潛心秉筆因

舊文以加新法出已見以酌輿情始之以邑考秩官而大端
備載終之以文苑傳疑而細務不遺其間條分縷析益簡刪
繁凡可以洩百代之英華闡三才之精蘊者悉燦然若示諸
掌余因喜曰可以志矣遂以請命於大邦伯陳公平岡校正
於司訓葉君禎而壽諸梓雖云志之所載者跡而已矣若良
法美意之不存而一於簡篇中求之固未可也然有此志則
前後之官於斯生於斯者並得而考之以彰善而動其奮興
之念以癉惡而起其悔悟之心以善政皆若而保此一方黎
民以真材類應而昌此一方氣運則曠世相感之幾亦必有

以繫之者使往事一無所紀而欲來者之有觀而感也又可得哉吁此志之所以不容終廢而余與鄭君其責有不能辭者因不敢諱其有所未當爲之註述以俟夫後之采集焉嘉靖甲寅八月知上高縣事黃岡陳廷舉謨

舊序

志何自而昉乎今之志卽古之史也今之縣卽古之國也古者列國皆設有史官紀言紀事以爲後世法戒迨國之統一縣之名分而列國之史遂廢後變史而爲志正以繼史之窮也其所以備採訪示勸懲者顧不重歟今

聖天子海內同風秀良蔚起東西朔南莫不尊親於是

詔天下郡縣纂修郡載邑紀彙爲一統全書以昭其盛予承乏
放土責有攸歸乃廣集紳士而謀之竝索其舊志而紳士皆
有難色曰敖昔兵燹頻仍飢饉薦臻顛連困苦莫形其狀流
民圖尙望繪於鄭俠誰暇吮毫濡墨治邑乘以備參稽哉敖
嘉靖以後未有成書職此故耳近荷

皇恩浩蕩汰前明浮賦以蘇其困後蒙郡守劉痛敖極疲題逃
題荒代補代賠而敖之元氣於是而稍振敖之故典於是而
可問矣康熙壬子郡守復慨然以修輯郡志爲念徵志於敖

敖無以應不過因陋就簡紀其嘖嘖於人耳目間者某人某
事約畧續見於群書若縣志則無有存者卽或有魯壁之遺
簡斷篇殘終不可攷敖志豈易成哉予聞之而太息焉上高
數百年無志今奉

朝廷大典不能補其萬一畧而弗詳雖守土者之愧亦爾紳
士之耻也況上高文雖缺而獻或存搜之舊志據以新聞亦
庶可以無憾矣蓋斷行之因開局於城北之多寶寺於紳士
中擇草創者若而人討論者若而人修飾潤色者若而人分
其例綱舉而目張矣刪其繁詞約而旨該矣存其真去其訛

傳信而不傳疑矣而其間不可不詳者田賦爲最焉清其源
存其實所以待考也不可不慎者忠孝節烈爲最焉錄其大
表其微所以示勸也不可或遺者秩官選舉爲最焉或功存
德著而爲之備其記或世遠事湮而爲之載其名所以重爵
而序賢也至於建置以及津梁寺觀無一而不登者所以知
廢興示損益也未幾而志成諸紳士咸歸功於予而以序爲
請予曰昔無志而今有志異日

朝廷觀風問俗撫採不患其無徵司土者之斟酌時宜折衷
不患其無據則壤之高下民數之登耗風俗之淳澆人物之